



Møteprotokoll Formannskapet

Møtedato: 21.10.2021
Møtestad: Austrheim samfunnshus
Møtetid: 10:00 - 16:20

Monika Kvamme orienterte om Korona – endringar i tiltak og arbeid
Kommunedelplan Energi og Klima – Sweco orienterte, klokka 13.00 -14.00
Kommunedirektøren ba om at oppsett formannkapsmøte 18.11.21 blir utsett til 25.11.21 og at sakspapira til møte 04.11.21 først vert sendt ut i veke 43. Formannskapet godkjente begge endringane.

Kommunedirektøren informerte ellers om at ein møteplan for neste år vert utarbeida og at ein legg inn at sakspapir til formannskap etter regelen skal sendast ut 14 dagar før møte, med unntak av augustmøte der det blir vanskeleg å få sakene klar grunna sommarferie.

Ordførar stilte i slutten av møte følgjande spørsmål:

Er kommunedirektøren informert om at det har vore ILA-smitte i eit av fiskeoppdrettsanlegga i kommunen?

Vert kommunedirektøren informert når evakueringsalarmen går på Equinor sitt anlegg på Mongstad?
Kommunedirektøren svarte at dette er ikkje informasjon han kjenner til og ordføraren ba om at administrasjon tek tak i dette.

Frammøtte medlemmer	Parti	Rolle
Per Lerøy	AP	Ordførar
Inger Lise Brekke	H	Varaordførar
Morten Sognes	H	Medlem
Helge Dyrkolbotn	KRF	Medlem
Bjørn Inge Håland Dyrkolbotn	SP	Medlem

Desse møtte frå adminstrasjon:

Asbjørn Nagell Toft

Bjørnar Fjellhaug

Christopher Marius Straumøy

Kristin Nesbø

Monika Kvamme

Odd Harald Dommersnes

Rolf-Henning Myrmel

Stein Kåre Løvslett

Dato 27.10.2021

Per Lerøy
ordfører

Kristin Nesbø
møtesekretær

Sakliste

Saknr	Tittel
093/21	Godkjenning av innkalling og sakliste
094/21	Godkjenning av møteprotokoll
095/21	Meldingar
096/21	Delegerte saker
097/21	Orienteringssak
098/21	Klage på løyve i byggesak gbnr. 157/81 - Bergsvik
099/21	Klage på administrativt vedtak - oppføring av naust på gbnr 156/185
100/21	Klage på løyve til Flytebrygge frå Statsforvalteren - gbnr. 166/1 - Vestre Sævrøy
101/21	Kommunedelplan for trafikksikring for Austrheim kommune 2022-2030 - Offentleg ettersyn
102/21	Felles satsingar for helse- og omsorgssektoren i NH 2021-2031
103/21	Utviding av ramme for startlån
107/21	Klage på delingsløyve på nausttomt på gbnr 165/54 - Baløy
108/21	Mandat og retningslinjer for val av ungdomsrådet
109/21	Styringsgruppa: Val av løysing for tilrettelegging av Årås skule og godkjenning av forprosjekt Kaland skule

093/21: Godkjenning av innkalling og saksliste

Kommunedirektøren sitt framlegg:

Innkalling og sakliste vert godkjent

21.10.2021 FORMANNSKAPET

Kommunedirektøren sitt framlegg vert samrøystes vedteke

FS - 093/21 - 21.10.2021 - Vedtak:

Innkalling og sakliste vert godkjent

094/21: Godkjenning av møteprotokoll

Kommunedirektøren sitt framlegg:

Møteprotokoll frå forrige møte vert godkjent

21.10.2021 FORMANNSKAPET

Kommunedirektøren sitt framlegg vert samrøystes vedteke

FS - 094/21 - 21.10.2021 - Vedtak:

Møteprotokoll frå forrige møte vert godkjent

095/21: Meldingar

Kommunedirektøren sitt framlegg:

Meldingane vert tekne til orientering

21.10.2021 FORMANNSKAPET

Det var ingen meldingar til møte

FS - 095/21 - 21.10.2021 - Vedtak:

Det var ingen meldingar til møte

096/21: Delegerte saker

Kommunedirektøren sitt framlegg:

Delegerte saker vert tekne til orientering

21.10.2021 FORMANNSKAPET

Kommunedirektøren sitt framlegg vart samrøystes vedteke

FS - 096/21 - 21.10.2021 - Vedtak:

Delegerte saker vert tekne til orientering

097/21: Orienteringssak

Kommunedirektøren sitt framlegg:

21.10.2021 FORMANNSKAPET

Sweco ved Maylinn Myrtvedt, Ørjan Aall og Silje Skjelsvik orientert og stilte spørsmål i samband med arbeidet med ny kommunedelplan for Energi og klima. Dei spurte blant anna om kva som har vore gjort i perioda sidan forrige klimaplan vart laga og kva mål ein tenkjer å sette framover.

Klimaplan blant anna har vore i aktiv bruk ved oppgradering av kommunale bygg, ved at ein går over

til el-bilar og ved at ein har fått led-lys langs vegane. Austrheim er en del av Nordhordland biosfæreområde og det med fornybar energi er viktig. Signala ellers frå formannskapet om at ein må ha høge mål og at ein synleggjer kva måla betyr for kommunen. Ved hjelp av innspel frå formannskapet kan administrasjon skrive ei sak til formannskapet om dette.

Kommunalsjef Monika Kvamme orienterte om status for koronasituasjonen: 2233 har fått dose ein og 2189 har fått dose 2. Ein har byrja med 3. dose og neste vaksining for dose 3 vert truleg i desember. Når det gjeld testing er det no i utgangspunktet hurtigtestar til dei som har symptom og deira nærkontakter. Det er framleis ein del som ikkje møter til avtalt vaksinasjon og det betyr at doser må kastast. Tilsette skal framleis halde seg heime om dei har symptom, dette kan blir utfordrande framover. Ellers skryt kommunalsjefen både av tilsette og innbyggjarane sidan vi har hatt få smittetilfelle i løpet av pandemien.

FS - 097/21 - 21.10.2021 - Vedtak:

Orienteringane vert teke til vitande.

098/21: Klage på løyve i byggesak gbnr. 157/81 - Bergsvik

Kommunedirektøren sitt framlegg:

Formannskapet i Austrheim tek ikkje klagen til følge.

Grunngjeving er gjeve i saksutgreiinga.

Vedtaket er heimla i forvaltningslova § 33.

Saka vert sendt til Statsforvalteren i Vestland for endeleg avgjerd.

21.10.2021 FORMANNSKAPET

Synfaring, desse deltok:

Formannskapet Per Lerøy (Ap), Inger Lise Brekke (H), Helge Dyrkolbotn (Krf), Aslak Bakke (H), Bjørn Inge Dyrkolbotn (Sp)

Frå administrasjonen i Austrheim kommune:

Christopher M. Straumøy , sakshandsamar. Han informerte formannskapet om administrasjonen sine vurderingar i klagesaka.

Bjørnar Fjellhaug, kommunedirektør

Rolf Henning Myrmel

Asbjørn Nagell Toft

Stein Kåre Løvslett

Grunneigarar/partar:

Ruben Johnsen (grunneigar gbnr. 157/60). Han la fram sitt syn i saka og informerte formannskapet om klagen sin.

Espen Pedersen (grunneigar gbnr. 157/81). Han la fram sitt syn i saka og informerte formannskapet om det.

Ivar Bergsvik (Anette Bergsvik hadde gjeve og signert samtykkerklæring på at Ivar Bergsvik kunne uttala seg på hennar vegne på synfaringa til formannskapet den 21. oktober 2021.

Han la fram Anette Bergsvik sitt syn i saka og informerte formannskapet om det. Han kom inn på tilkomstvegen og historien her.

Christopher Marius Straumøy informerte om administrasjonen sine vurderingar i klagesaka og påpeikte at det er Statsforvataren som er klageinstans.

Det var ingen spørsmål frå formannskapet, men det var nokre kommentarar: Bjørn Inge Dyrkolbotn (Sp) - Saka har pågått så lenge at no må partane finne ei løysing dei kan leve med. Blir oppgitt over at dei strekkjer saka så langt.

Ordførar Per Lerøy sa seg eining, men at formannskapet likevel må halde seg til klagen.

Inger Lise Brekke (H) - Ønsker å få ein endeleg slutt på saka. Viser også kor viktig det er at ein er ryddig og korrekt i sakshandsaminga.

Handsaming i formannskapet:

Framlegget vart vedteke med fire mot ei røyst.

Per Lerøy (Ap), Inger Lise Brekke (H), Helge Dyrkolbotn (Krf) og Aslak Bakke (H) stemte for framlegg til vedtak

Bjørn Inge Dyrkolbotn (Sp) stemte mot.

FS - 098/21 - 21.10.2021 - Vedtak:

Formannskapet i Austrheim tek ikkje klagen til følge.

Grunngjeving er gjeve i saksutgreiinga.

Vedtaket er heimla i forvaltningslova § 33.

Saka vert sendt til Statsforvalteren i Vestland for endeleg avgjerd.

099/21: Klage på administrativt vedtak - oppføring av naust på gbnr 156/185

Kommunedirektøren sitt framlegg:

Formannskapet tek ikkje klagen til Tarjei Vårbakken til følge.

Grunngjevinga er gjeve i saksutgreiinga.

Vedtaket er heimla i forvaltningslova § 33.

Saka vert sendt til Statsforvalteren i Vestland for endeleg avgjerd.

21.10.2021 FORMANNSKAPET

Synfaring, desse deltok:

Formannskapet Per Lerøy (Ap), Inger Lise Brekke (H), Helge Dyrkolbotn (Krf), Aslak Bakke (H), Bjørn Inge Dyrkolbotn (Sp)

Frå administrasjonen i Austrheim kommune deltok:

Stein Kåre Løvslett, sakshandsamar. Han informerte formannskapet om administrasjonen sitt arbeid med å opplysa saka, og kva vurderingar som er vorte gjort her.

Christopher M. Straumøy

Bjørnar Fjellhaug, kommunedirektør

Rolf Henning Myrmel

Asbjørn Nagell Toft

Grunneigarar/partar:

Tarjei Vårbakken (grunneigar gbnr. 156/7) Han la fram sitt syn i saka og informerte formannskapet om klagen sin.

Olav Hop (grunneigar gbnr. 156/185) Han la fram sitt syn i saka og informerte formannskapet om det. Morten Hop

Stein Kåre Løvslett orienterte om saka i møte.

Inger Lise Brekke (H) spurte om det er søkt om å bygge heilt til sjø? Stein Kåre Løvslett kunne stadfeste at i endringssøknaden viser det og de er nabovarsle.

Aslak Bakke (H) - spurte om det er kome inn fleire klager. Stein Kåre Løvslett seier at det er merknader til endringssøknaden.

Bjørn Inge Dyrkolbotn (Sp) sa at det hadde vore interessant og sett protokollen frå oppmålingsforretninga.

Protokollen vart vist på skjerm og Stein Kåre Løvslett og Rolf Henning Myrmel forklarte kvifor oppmåling frå den tida og kart ikkje stemmer. Vart dessverre gjort ein feil då kartet vart teikna etter oppmåling. Dette er svært lenge sidan. Oppmåling er rett utført og protokollen viser det rette, men vart feil teikna i kartet. Seinare då karta vart digitalisert måtte ein legge grenselinjene inn i kartet med ei bein grenselinje, ein fekk ikkje knytta det opp mot strandlinja. Norkart la da inn linjene slik at det ser ut som om naustetomtane ikkje går heilt ned til sjøen.

Formannskapet påpeikte at det er viktig å sjekke at kartet er oppdatert i denne saka og at ein sjekker grenser og kart nøye i byggesøknader.

Handsaming i formannskapet:

Framlegg til vedtak vart samrøystes vedteke.

FS - 099/21 - 21.10.2021 - Vedtak:

Formannskapet tek ikkje klagen til Tarjei Vårbakken til følge.

Grunngjevinga er gjeve i saksutgreiinga.

Vedtaket er heimla i forvaltningslova § 33.

Saka vert sendt til Statsforvaltaren i Vestland for endeleg avgjerd.

100/21: Klage på løyve til Flytebrygge frå Statsforvalteren - gbnr. 166/1 - Vestre Sævrøy

Kommunedirektøren sitt framlegg:

Formannskapet i Austrheim tek ikkje klagen frå Statsforvalteren i Vestland til følgje.

Grunngjeving er gjeve i saksutgreinga.

Vedtaket er heimla i forvaltningslova § 33.

Saka vert sendt tilbake til Statsforvalteren.

21.10.2021 FORMANNSKAPET

Synfaring, desse deltok:

Formannskapet Per Lerøy (Ap), Inger Lise Brekke (H), Helge Dyrkolbotn (Krf), Aslak Bakke (H), Bjørn Inge Dyrkolbotn (Sp)

Formannskapet meinte at administrasjonen skulle senda eit føljeskriv som opplyste om staden, restaureringa, vertilhøve/tryggleiken og be om at Setjestatsforvaltaren gjev dispensasjon som omsøkt. Austrheim kommune er og i sone 3, det må presiserast i dette skrivet.

Frå administrasjonen i Austrheim kommune deltok:

Christopher Straumøy, sakshandsamar. Han informerte formannskapet om saka, og kva vurderingar som er vorte gjort her.

Bjørnar Fjellhaug, kommunedirektør

Rolf Henning Myrmel

Stein Kåre Løvslett

Asbjørn Nagell Toft

Grunneigarar:

Bente-Helen R. Alvestad (grunneigar bnr. 166/1). Ho la fram sitt syn i saka.

Kjetil Alvestad (grunneigar bnr. 166/1) . Han la fram sitt syn i saka.

Bjørn Inge Dyrkolbotn (Sp)– Som vi har prata om før, folk bør få legge ut flytebrygger fordi dei set eit lite avtrykk i naturen.

Per Lerøy (Ap) Er einig i det. Ein bør kunne legge ut flytebrygger utover det som ligg i plan. Vi blir behandla som om vi er i sone 1 ikkje i sone 3, der vi faktisk er. Denne saka bør vi kjøre heilt opp. Vi treng å gjere det trygt for brukarane og vi privatiserer ikkje om vi gjer dette.

Aslak Bakke (H)– Vi er ganske samstemte i denne saka.

Per Lerøy (Ap) – Får vi avslag igjen, får vi ta kontakt med kommunaldepartementet for å vite kva dei meiner med sonene .

Inger Lise Brekke (H) – Det er tidkrevjande at samfunnet skal handsame slike saker gong etter gong. Vi ønsker forutsigbarheit både for oss og for innbyggjarne.

Per Lerøy (Ap)– Vi må forvente at det kjem eit par dispensasjonsøknader sjølv om vi har mye planar på plass i Austrheim.

Administrasjon må utgreie dette grundig og på ein ny måte nå når det vert sendt til settefylkesmann. Det blir lagt fram i neste FS til orientering.

Framlegg frå Per Lerøy (Ap):

Formannskapet i Austrheim tek ikkje klagen frå Statsforvalteren i Vestland til følge.

Grunngjeving er gjeve i saksutgreinga, og administrasjon må gjere ei grundig utgreiing og forklare godt når dette vert sendt til fylkesmannen. Vedtaket er heimla i forvaltningslova § 33.

Saka vert sendt tilbake til Statsforvalteren.

Handsaming i formannskapet:

Framlegget frå Per Lerøy (Ap) vart samrøystes vedteke

FS - 100/21 - 21.10.2021 - Vedtak:

Formannskapet i Austrheim tek ikkje klagen frå Statsforvalteren i Vestland til følge.

Grunngjeving er gjeve i saksutgreinga, og administrasjon må gjere ei grundig utgreiing og forklare godt når dette vert sendt til fylkesmannen. Vedtaket er heimla i forvaltningslova § 33.

Saka vert sendt tilbake til Statsforvalteren.

101/21: Kommunedelplan for trafikksikring for Austrheim kommune 2022-2030 - Offentleg ettersyn

Kommunedirektøren sitt framlegg:

Kommunedelplan for trafikksikring for Austrheim kommune 2022-2030 kan leggst ut på offentlig ettersyn. Høyringsfrist vert 6 veker. Grunngjevinga for vedtaket er gjeve i saksutgreiinga. Vedtaket er heimla i plan- og bygningslova § 11-14.

21.10.2021 FORMANNSKAPET

Asbjørn Toft orienterte om plan. Det har vore mange aktørar med og det er kome mange innspel.

Imponerende mange til at ein ikkje har hatt offentlege møter grunna korona. Det har vore arbeidsmøter. Same firma som sist, Norcosult har laga plan. Vi har fått til ein del etter forrige plan.

Ordførar Per Lerøy (Ap) skryter av plan. Fylket får ein sum dei kan bruke til trafikksikring. Når vi har ein god plan er det enkelt å få midlar til våre tiltak. Vi har hatt god uttelling og satser vidare på tiltak. Mange andre kommunar var ikkje i posisjon til å søkje når det var mogelge. Vi har jobba godt saman om for å lage og sende inn søknader til tiltak.

Helge Dyrkolbotn (Krf) – Det er ein svært god plan og mange gode innspel.

Per Lerøy (Ap) - Vi bør kanskje ha ei prioriteringsliste for dei dyre tiltaka og ei for dei som er rimelegare å gjennomføre.

Bjørn Inge Dyrkolbotn (Sp) – Vil presisere at det han har kome med er vidareformidla frå 2 grupper som har trafikk som valfag. Dei har synes dette var kjekt å arbeide med.

Per Lerøy (AP)- Det er kjekt og positivt å ha dei unge med i slik arbeid.

Handsaming i formannskapt:

Framlegg til vedtak vart samrøystes vedteke

FS - 101/21 - 21.10.2021 - Vedtak:

Kommunedelplan for trafikksikring for Austrheim kommune 2022-2030 kan leggst ut på offentleg ettersyn. Høyringsfrist vert 6 veker. Grunngevinga for vedtaket er gjeve i saksutgreiinga. Vedtaket er heimla i plan- og bygningslova § 11-14.

102/21: Felles satsingar for helse- og omsorgssektoren i NH 2021-2031

Kommunedirektøren sitt framlegg:

Formannskapet rår kommunestyret til å gjera slikt vedtak:

Austrheim kommune sluttar seg til innhald og føringar i «Felles satsingar for helse- og omsorgssektoren i Nordhordland 2021-2031», og forpliktar seg til å ta del i felles dialog og prosess om dei tema som planen omhandlar.

Austrheim kommune sluttar seg til at Kommunalsjefgruppa for helse og omsorg i Nordhordland får i oppdrag å koordinera og organisera oppfølging av prioriterte område i planen.

Austrheim kommune sluttar seg til at det vert utarbeidd handlingsplan for konkretisering av tiltak knytt til dei prioriterte områda, og at Rådmannsutvalet får mandat til å godkjenna tiltak i handlingsplan.

Austrheim kommune legg til grunn at konkrete tiltak som forpliktar må forankrast i kommunen, og kommunen kan reservera seg mot å gå inn i konkret samarbeid sjølv om ein har slutta seg til planen.

21.10.2021 FORMANNSKAPET

Monica Kvamme orientere om plan. Den har vore oppe både rådmannsgruppa og regionrådet.

Styringsdokument for kommunalsjefane i Nordhordland. Vi har mange like utfordringar og er bedre om vi gjer ting saman/likt.

Handsaming i formannskapet:

Framlegg til vedtak vart samrøystes vedteke

FS - 102/21 - 21.10.2021 - Vedtak:

Formannskapet rår kommunestyret til å gjera slikt vedtak:

Austrheim kommune sluttar seg til innhald og føringar i «Felles satsingar for helse- og omsorgssektoren i Nordhordland 2021-2031», og forpliktar seg til å ta del i felles dialog og prosess om dei tema som planen omhandlar.

Austrheim kommune sluttar seg til at Kommunalsjefgruppa for helse og omsorg i Nordhordland får i oppdrag å koordinera og organisera oppfølging av prioriterte område i planen.

Austrheim kommune sluttar seg til at det vert utarbeidd handlingsplan for konkretisering av tiltak knytt til dei prioriterte områda, og at Rådmannsutvalet får mandat til å godkjenna tiltak i handlingsplan.

Austrheim kommune legg til grunn at konkrete tiltak som forpliktar må forankrast i kommunen, og kommunen kan reservera seg mot å gå inn i konkret samarbeid sjølv om ein har slutta seg til planen.

103/21: Utviding av ramme for startlån

Kommunedirektøren sitt framlegg:

Austrheim kommune søker Husbanken om ei ekstra tildeling på 10 millionar kroner, for å kunna tilby som startlån.

21.10.2021 FORMANNSKAPET

Kommunedirektør Bjørnar Fjellhaug orienterte om at administrasjon og ordførar har hatt møte med Husbanken og at dei oppfordra kommunen om å søkje om ei ekstra tildeling. Ordførar Per Lerøy la til at Husbanken ønskjer at kommunane bidreg til at folk kan nytte ordninga med startlån.

Handsaming i formannskapet:

Framlegg til vedtak vart samrøystes vedteke

FS - 103/21 - 21.10.2021 - Vedtak:

Austrheim kommune søker Husbanken om ei ekstra tildeling på 10 millionar kroner, for å kunna tilby som startlån.

107/21: Klage på delingsløyve på nausttomt på gbnr 165/54 - Baløy

Kommunedirektøren sitt framlegg:

Formannskapet i Austrheim tek ikkje klagen til følgje.

Grunngjeving er gjeve i saksutgreiinga.

Vedtaket er heimla i forvaltningslova § 33.

Saka vert sendt til Statsforvalteren i Vestland for endeleg avgjerd.

21.10.2021 FORMANNSKAPET

Synfaring, desse deltok:

Formannskapet Per Lerøy (Ap), Inger Lise Brekke (H), Helge Dyrkolbotn (Krf), Aslak Bakke (H), Bjørn Inge Dyrkolbotn (Sp)

Frå administrasjonen i Austrheim kommune deltok:

Asbjørn Toft, sakshandsamar. Han informerte formannskapet om administrasjonen sine vurderingar i klagesaka.

Alf Kvant. Han viste møtelyden kor dei regulerte nausta kan plasserast i tråd med reguleringsplanen for området.

Christopher M. Straumøy

Bjørnar Fjellhaug, kommunedirektør

Rolf Henning Myrmel

Stein Kåre Løvslett

Grunneigarar/deltakarar:

Oddny M Hauge Kleppe (grunneigar gbnr. 165/6) Ho la fram sitt syn i saka og informerte formannskapet om klagen sin og handgjevingssavtalen

Stein Hansen (båtforeninga) Han la fram sitt syn i saka.

Øystein Rongevær (båtforeninga) Han la fram sitt syn i saka.

Jarle Sognnes (båtforeninga) Han la fram sitt syn i saka.

Asbjørn Toft orienterte:

Søknad om deling frå grunneigar. Grunneigar er Austrheim kommune. Når søknaden er i tråd med plan, blir det behandla på vanleg måte. Kven søkjar seinare selger til er ein privatrettsleg sak.

Det er grunneigarane som er parter i denne saka.

Dette gjeld område N3. Bergen og Hordaland Turlag (BHT)treng i god base på fastlandet. Dei drifter Rongeværskulen, folk må kome seg til og frå og dei treng lager på fastlandet.

Det er offentleg parkeringsplass på kommunen sin grunn.

Det er ikkje noko i handgjevingssavtala som gjer at ein ikkje kan handsame delingssaka. Men har behandla klagen i saka likevel.

Det er Austrheim kommune som er grunneigar, og som ønsker å handle i sameksistens med grunneigarar og båtforening og andre interresantar i området.

Det er eit anna området som kunne vore aktuelt, men det er ikkje sikkert at ein får lov å bygge naust der.

Bergen og Hordaland Turlag har kommentert at dei ikkje føler at det andre området ikkje er så trygt i høve trafikk og det er og usikkert om ein får lov å bygge naust der.

Aslak Bakke (H)– Viktig at bygdefolket blir sett og høyrte her. Kva ser vi for oss av aktivitet i området. Båtlaget har og ymse ståande der?

Rolf Henning Myrmel kunne stadfeste at kontaineren er kome utan løyve, det har vore diskutert i administrasjon, men ein har ikkje bedt om at den blir fjerna. Det same gjeld tilhengarane som vert plassert der.

Bjørn Inge Dyrkolbotn (Sp) - Vi må finne ei løysing som alle kan leve med. Det må ikkje blir slik at ein part ikkje blir tilfreds med løysinga.

Helge Dyrkolbotn (Krf) - Det kan bli feil uansett kva ein gjer. Vi skal i alle fall ikkje selge areal til naust til nokon. Kanskje bør vi utsette saka. Administrasjon bør sette seg ned med partane og finne ut kva ein kan gjere. Finne andre måtar å løyse dette på, slik at partane vert nøgde. Det er svært verdifullt for oss å ha Turlaget på laget og ein ønskjer fornøgde hytteeigarar. Turlaget synes nok det hastar, men vi må ikkje haste så mykje at vi ikkje får ei god løysing.

Inger Lise Brekke (H) – Alle har lyst til å finne ei løysing der alle parter føler at dei blir ivareteke, men vi bør i alle fall prøve å finne ei løysing som alle er tent med. Må tenkje på kva behovet er og kva er ein tent med. Kan det vere ei komboløysing, med lagringsbehov dekkja på parkeringsplassen.

Asbjørn Toft - Vi må vere handlingsorientert. Området N3, her kan vi bygge på i dag, dei to andre rektangelene kan ein også bygge der, det er i tråd med plan. Meiner at vi må halde på N3 i vedtak. Så kan ein få på plass parkeringsplass der ein har sett på det, ein avlastningsparkeringsplass.

Aslak Bakke (H)– N3 det er her turlaget ein ønsker å ha. Båtforeninga ønsker også denne plassen. Det bør nok vere noko meir dialog her, men samstundes vi bør gi eit raskt svar til dei involverte.

Bjørn Inge Dyrkolbotn (Sp) – Einig, vi treng meir dialog, kanskje med heile formannskapet og partane.

Inger Lise Brekke (H) – Er det ikkje mogeleg å bygge noko på den fyllinga ?

Asbjørn Toft svarte at det veit det ikkje før det er prøvt i forhold til statforvaltaren og vegvesenet.

Alternativ kan vere at ei bygger naustet no, så kan ein prøve å få bygge eit naust til, for deretter gå i dialog med kven som skal bruke det nordlige naustet.

Per Lerøy (Ap) - Det er ikkje aktuelt å gå for kommunedirektøren sitt framlegg til vedtak i dag. Vi skal legge til rette for aktivitet. Vi bør lage ei gruppe som kan ha dialog her. Eigenteg bør vi bygge naustet sjølv og leige ut til turlag og båtforening. Samtidig omregulere snuplass og fylling for å sikre at vi får nok areal til det ein treng. Planområdet burde vore trekt nordover. Det vil ta noko tid, men da gir vi ikkje frå oss råderetten. Vi treng ei god løysing der alle kan leve saman om aktivitet og bruk av området. For å unngå konflikter framover, bl.a. når det gjeld parkering. Vi kan bygge 3 naust/boder, men vi må også løyse parkeringsproblema. Ønsker å gjere området enda meir attraktivt. Lage eit utvalgt som kan jobbe fram til neste formannskap.

Helge Dyrkolbotn (Krf) - Det er viktig at ein så for som mulig kjem i dialog med partane for å høre om dette kan vere ei løysing.

Per Lerøy (Ap) framlegg la fram følgjande framlegg til vedtak i møte:

Formannskapet tek klagen til følge. Kommunedirektøren set ned ei gruppe som skal finna ei løysing som alle parter er tent med. Gruppa skal vera samansett av representantar frå kommuneadministrasjonen, representantar frå Baløy, enten fastbuande eller personar med fritidsbustadar, representantar frå Rongevær Båtlag og representantar frå Bergen og Hordaland Turlag.

Kommunen vil ikkje gje frå seg grunn i området, men ønskjer sjølv å byggja og eiga eit eller fleire bygg for utleige til partane i saka. Det beste er om heile N3-området vert bygd ut med det same og at veg og parkeringsareala vert opparbeida til ein tilfredsstillande standard. Leigeavtalane kan, som for Rongevær kurs og fritidssenter, vera på inntil 40 år. Det beste for kommunen vil vera at leigetakarane vert ansvarlege for vedlikehaldet i leigeperioden. Rongevær Båtlag er alt etablert i området, men det må også skrivast ein avtale for den aktiviteten dei har per i dag. Denne avtalen skal danne mal for

liknande avtalar for båtlaga i Finnsvågen, Øksneset og i Søre Fonnesvågen/Kaland.

Kommunen skal snarast utvida planområdet for båthamna i Baløy til området langs fylkesvegen til og med området rundt den kommunale kaien i Baløy. Planområdet skal også omfatta sundet mellom Baløy og Slissøyna og snuplassen på Baløy. I det utvida planområdet må ein leggja inn areal for naust eller utstyrsbuer, samt flytebyggjer.

Handsaming i formannskapet:

Framlegget frå Per Lerøy (Ap) vart samrøystes vedteke

FS - 107/21 - 21.10.2021 - Vedtak:

Formannskapet tek klagen til følge. Kommunedirektøren set ned ei gruppe som skal finna ei løysing som alle partar er tent med. Gruppa skal vera samansett av representantar frå kommuneadministrasjonen, representantar frå Baløy, enten fastbuande eller personar med fritidsbustadar, representantar frå Rongevær Båtlag og representantar frå Bergen og Hordaland Turlag.

Kommunen vil ikkje gje frå seg grunn i området, men ønskjer sjølv å byggja og eiga eit eller fleire bygg for utleige til partane i saka. Det beste er om heile N3-området vert bygd ut med det same og at veg og parkeringsareala vert opparbeida til ein tilfredsstillande standard. Leigeavtalane kan, som for Rongevær kurs og fritidssenter, vera på inntil 40 år. Det beste for kommunen vil vera at leigetakarane vert ansvarlege for vedlikehaldet i leigeperioden. Rongevær Båtlag er alt etablert i området, men det må også skrivast ein avtale for den aktiviteten dei har per i dag. Denne avtalen skal danne mal for liknande avtalar for båtlaga i Finnsvågen, Øksneset og i Søre Fonnesvågen/Kaland.

Kommunen skal snarast utvida planområdet for båthamna i Baløy til området langs fylkesvegen til og med området rundt den kommunale kaien i Baløy. Planområdet skal også omfatta sundet mellom Baløy og Slissøyna og snuplassen på Baløy. I det utvida planområdet må ein leggja inn areal for naust eller utstyrsbuer, samt flytebyggjer.

108/21: Mandat og retningslinjer for val av ungdomsrådet

Kommunedirektøren sitt framlegg:

1. Kommunestyret vedtek retningslinjene for Austrheim ungdomsråd slik dei ligg føre.
2. Følgjande representantar vert vald til Austrheim ungdomsråd:

Frå Årås skule:

8.klasse: Solfrid Gjerde Skoge (representant)
Julie Johansen Isene (vara)

9.klasse: Simen Fonnes (representant)
Sofie Risnes (vara)

10.klasse: Aura Øksnes Nordgard (representant)
Frida Hjertås (vara)

Frå Kaland skule:

10.klasse: Annicka Sletten (representant)

Frå Austrheim vidaregåande skule:

Evelyn Risnes Bjørnbekk	(representant)
Emil Ånneland	(representant)
Niklas Risnes	(vara)
Sunniva Vallestad Årås	(vara)

Funksjonstid er 2 år om ikkje anna er oppgitt. Ungdomsrådet konstituerer seg sjølv med leiar og nestleiar.

21.10.2021 FORMANNSKAPET

Kommunedirektør Bjørnar Fjellhaug orienterte om at etter endringar i kommunelova og etter at vi har endra skulestrukturen måtte ein endre retningslinjene for ungdomsrådet. Ein ønskjer engasjert ungdom i rådet, dei treng ikkje vere heimebuande i kommunen og det er teke omsyn til den gamle skulekrinsen med ungdom frå Åsheimkrinsen.

Handsaming i formannskapet:

Kommunedirektøren sitt framlegg til vedtak vart samrøytes vedteke

FS - 108/21 - 21.10.2021 - Vedtak:

1. Kommunestyret vedtek retningslinjene for Austrheim ungdomsråd slik dei ligg føre.
2. Følgjande representantar vert vald til Austrheim ungdomsråd:

Frå Årås skule:

8.klasse:	Solfrid Gjerde Skoge	(representant)
	Julie Johansen Isene	(vara)
9.klasse:	Simen Fønnes	(representant)
	Sofie Risnes	(vara)
10.klasse:	Aurora Øksnes Nordgard	(representant)
	Frida Hjertås	(vara)

Frå Kaland skule:

10.klasse:	Annicka Sletten	(representant)
------------	-----------------	----------------

Frå Austrheim vidaregåande skule:

Evelyn Risnes Bjørnbekk	(representant)
Emil Ånneland	(representant)
Niklas Risnes	(vara)
Sunniva Vallestad Årås	(vara)

Funksjonstid er 2 år om ikkje anna er oppgitt. Ungdomsrådet konstituerer seg sjølv med leiar og nestleiar.

109/21: Styringsgruppa: Val av løysing for tilrettelegging av Årås skule og godkjenning av forprosjekt Kaland skule

Kommunedirektøren sitt framlegg:

1. Formannskapet gjev tilslutnad til at kommunedirektøren innarbeider låneopptak for inntil kr 25 mill samla for skuleprosjektet i økonomi- og budsjettplan for 2022-2025. Dette dekkjer tilretteleggingar, utomhusplan og eventuelle omkostningar.
2. Forprosjekt for Kaland skule vert lagt ut på anbod.
3. Alternativ 3.3 vert vald for Årås skule. Norconsult utarbeidar forprosjekt med teikningar og utomhusplan. Det vert også lagt fram eit kostnadsestimat.
4. Begge prosjekta skal haldast innanfor ramma på kr 25 mill inkl sanering av bygg på Kaland.

21.10.2021 FORMANNSKAPET

Kommunedirektør Bjørnar Fjellhaug orienterte om saka. Saka skal handsamanst i neste møte den 28.10.21. Da blir det synfaring med Norconsult. Monika Kvamme stiller da på vegne av kommunedirektøren.

Formannskapet er styringsgruppe for prosjektet og får derfor statusoppdateringar. Skal ein auke rammene for prosjektet kan det får konsekvensar for framtidige investeringar.

Kaland - det er lagt opp til at Kaland 1 vert sanert. Slik det er tilrådd får ein ei god løysing med at skulen frå eit bra uteområdet og ein slepp samlokalisering med barnehagen. Vi må bli flinkare med skilting på bygga våre, det er ikkje enkelt å sjå kor hovudinngangen til skulen er. Kostandsestimat er lang over ramma ein har sett på, og ein må sjå på kva ein kan realisere.

Det har vore innspel både frå barnehage og skule og dei meiner at det er løysingar vi kan leve med når vi skal rehabilitere og ikkje bygge nytt.

Årås - det er lagt opp til utbygging av eksisterande areal. Norconsult meiner det er nok areal, men at ein må sjå på om ein kan omdisponere. Det foreligg førebels ingen utomhusplan, den blir utarbeida utifrå om det blir utbygging eller ombygging. Når Norconsult veit kva løysing kommunen går for treng dei berre nokre veker på å lage ein utomhusplan.

Innstillinga er at vi må få mest mogeleg ut av dei midlane vi har. Det blir kanskje ikkje den mest optimale løysinga, men den vi kan få mest ut av.

Det blir ikkje lagt ut på offentleg høyring før ein har landa prosjektet noko meir. Korpset har ikkje vor ansett som intern høyringspart.

Kommunedirektøren stadfesta at prisestimatet vi skal sjå på er Norconsult sitt.

Ordfører Per Lørøy : Vi er ein nynorskkommune, innspela frå skulane er på bokmål. Ber om at ein tek det tilbake til skulane. Det same gjeld konsulentane vi nyttar.

Aslak Bakke (H)– Det er viktig at ein tek høgde for det som skjer framover. Går ein utover rammene, må ein har oversikt over det.

Per Lørøy (Ap)– det er gjort ein omfattende og grei jobb som er gjort her.

Bjørnar Fjellhaug– vi hadde ikkje bedt om teikningar i mulighetstudien, men no har vi fått det og har dermed kan ein enklare sjå korleis det blir i dei løysingane ein går for.

Helge Dyrkoltbotn (Krf)– Det er nokre avvik i høve skulebruksplan. I forhold til økonomi, kan ei si at noko skal prioriterast, medan andre ting bør det vente i første omgang.

Bjørnar Fjellhaug - No har vi fått alt vi ønsker inn og vi greier nok ikkje realisere alt på same tid.

Politikaren må altså si kva vi skal ta med det same og kva kan vente.

Handsaming i formannskapet:

Det vert ikkje gjor vedtak i saka i dag. Det skal ei om avtalt gjere vedtak i seinare møte, etter synfaringar.

Med dette grunnlaget vert saka utsett.

FS - 109/21 - 21.10.2021 - Vedtak:

Saka vert utsett
